

Ibilbidea



GAUR

Izarra	05:48
Urduña	07:25
Amurrio	08:43
Altube	10:34
Gopegi	12:13
Legutio	13:28
Otxandio	14:09
Ubide	14:57
Zeanuri	15:04
Areatza	16:14
Artea	16:23
Arantzazu	16:49
Igorre	16:55
Dima	17:02
Igorre	17:41
Lemoa	18:13
Zornotza	18:41
Muxika	19:26
Gernika	20:25
Kortezubi	21:10
Gautegi Arteaga	21:23
Kanala	21:56
Ibarrangelu	22:09
Laida	22:15
Sukarrieta	22:28
Busturia	22:40
Sukarrieta	22:52
Mundaka	22:57
Bermeo	23:17

BIHAR

Bakio	00:48
Mungia	02:20
Gatika	03:11
Mungia	03:36
Gamiz	04:11
Fika	04:37
Larrabetzu	05:11
Lezama	05:51
Derio	06:29
Sondika	06:53
Erandio	07:12
Leioa	08:11
Romo	08:50
Algorta	09:10
Berango	10:02
Plentzia	11:00
Gorliz	11:26
Loiu	01:03
Bilbo - Enekuri	14:05
S.Domingo Otxarkoaga	14:24

LEKUKOTZA

Patxi Zubizarreta ■ IDAZLEA

Joerak

Ez ditut bilkura jendetsuak atsegin, ezta hizkuntzaren inguruan ospatzen direnak ere. Ez ditut bilkura jendetsuak atsegin, eta, hala ere, kasik hizkuntzaren inguruan ospatzen direnetara joaten naiz, soilik. Eta gaur ere Ama Zuriaren Plazara hurbildu naiz eta hango jendetzak uxaturik —eta, aldi berean, hunkiturik—, bazter batean dagoen Mendia optikaren alboan babestu naiz. Dendaren kanpoaldean, erakusleiho tiki batean, hiru neurgailu biribil ikusi ditut: termometroa, barometroa eta higrometroa. Eta haien azpian dagoen JOERA (sic) hitzaren alboan, triangulu gorria pizturik ikusi dut.

Halako batean, argi gorriak iragarria zuen zaparrada gorabehera, jendea kantari hasi da, eta dantzan, eta korrika, eta plaza hustu bitartean, ni Xabier Urzanteren ipuin batez oroitu naiz, eta nola antzinako Tuteran Alik, Miriamek

MIREN SAEZ
Sarriegi eta Karmona lehen kilometroan.

eta Joanesek elkar ezagutu, eta lagun egin ziren; hain ongi pasatu zuten, hurrengo jaiegunean berriro elkartzea erabaki baitzuten; baina, musulmana izaki, Ali ostiralean agertu zen, eta Miriam judua zapatuan, eta Joanes kristaua igandean; zorionez, kasualitateak beste batean ere bildu zituen, eta, arazoaz oharturik, irtenbide baten bila hasi ziren elkarrekin egon ahal izateko, izan ere astean jaiegun bakarra baitzuten.

Eta istorioa oroitzen amaitu dudanean, plazara begiratu, eta 2001eko Gasteizen ere, plaza honetan eta gaurko egunean, euskararen jai honetan hiru lagun haiek elkar zitezkeela bururatu zait. Eta istorioa oroitzen amaitu dudanean, pentsatu dut bilkura jendetsuak ez zaizkidala hain desatsegin ere, batik bat kolore guztien jaiegun direnean. Eta begirada plaza hustu berritik optikara zuzendurik, berriro erakusleihoari erreparatu, eta triangulu gorria itzaltzen eta berdea pizten ari zela iruditut zait. Iruditut.

ANTONIO KARMONA 1. LEKUKOAREN ERAMAILEA

«Euskaragatik borrokan ari diren asko ordezkatu ditut»

Luis Karlos Garcia | GASTEIZ

Entrenamenduak nahiz bidaiak direla eta, orain arte Korrikan parte hartu gabe zen Antonio Karmona. Atzo, baina, *mendekua* ederki hartu zuen. «Uste dut Korrika ostiralean helduko dela nire herriara (Bermeo), baina gauerdian, eta beranduegi da niretzat. Aski dut, baina, lehenengoarekin!», zioen atzo, arratsaldeko 17:45ak aldera, Andra Mari Zuriaren plazan, Korrika 12 abiarazi baino lehen.


Pozik zen Alaveseko bizkarrerezurra, «harro eta ilusioz gainezka», Josu Sarriegi taldekide gazteak eta Babazorro taldearen maskotak lagunduta. «Lasai! Erritmo geldotxoa eramango dut-eta, Josurekin batera», ohartarazi zuen lekuoari tinko heldu aurretik. Zentralen abiada jarri zuten,

futbol zelaian kapitainak ohi-ko duen legez.

Euskara errespetatzeko deia

Karmona gaztelaniaz aritu zen hedabideekin, euskara maila ona ez duelakoan: «Euskaraz egin behar izanez gero akaso lau ordu emango nituzke bi esaldi botatzeko...». Nolanahi ere, alabak irakatsiko diolako esperantza ez du galdu.

Sentimendu zabal baten ordezkaria zela zioen: «Euskara dela-eta borrokatzen diren askoren ordezkariak gara, besterik ez». Hizkuntzarekin zerikusi duen guztia politizatu ohi bada ere, Karmonak normaltasun osoz ikusten du. «Euskara politizatzeak ez du zentzurik: Euskal Herriaren hizkuntza da, eta, neurri horretan errespetatu egin behar da», aipatu zuen.



MIREN SAEZ

Eta, kasik hizketan bukatzen utzi gabe, antolatzaileek futbolaria oholtzara bultzaka igoarazi zuten. Bermeoko emakume batzuk agurtu eta bete berri dituen 33 urteen «oparirik bereziena» jaso

zuen. 600 metro baino gutxiago korritu zituen, «Kaiserlauternen aurkako UEFAko partidua prestatzeko ari-ketarik onenean». Hurrengo Korrikan Europako txapelgoa eskutan, arren!

M A N I F E S T A L D I A

EMBALSE DE

POR SEGURIDAD ITOIZ STOP

PAMPLONA/IRUÑEA • 31 de MARZO
Estación de AUTOBUSES a las 18h.

I T O I T Z K O K O O R D I N A K U N D E A